

Funded  
by the European Union



EUROPEAN UNION



COUNCIL OF EUROPE  
CONSEIL DE L'EUROPE

Implemented  
by the Council of Europe

## Projekti kundër Korrupsionit në Shqipëri (PACA)

Buletini i Aktiviteteve • Mars – Gusht 2011 • Volumi 5  
[www.coe.int/paca](http://www.coe.int/paca)

### Aktivitetet e PACA-s për muajt mars-gusht 2011

- **Imunitetet në Shqipëri**

Në prill PACA zhvilloi një aktivitet të parë për të diskutuar mundësitë e kufizimit të imuniteteve ndaj ndjekjes penale të zyrtarëve të zgjedhur dhe gjyqtarëve në Shqipëri. Të gjitha palët kryesore të interesuara morën pjesë dhe arritën një marrëveshje të rëndësishme mbi nevojën për të ndryshuar Kushtetutën e Shqipërisë në këtë pikë. Ky aktivitet do të pasohet nga një tjetër në tetor për të diskutuar rekomandimet më të hollësishme të PACA-s.

- **Vlerësimet e Riskut**

Në periudhën prill-maj, PACA përfundoi tre vlerësime risku për korrupsion në sektorin e shëndetësisë, në shpërndarjen e strehimit social dhe në autoritetin e konkurrencës, duke plotësuar kështu të pesë vlerësimet e riskut. Vlerësimet e riskut identifikuan pikat e dobëta më të ekspozuara ndaj korrupsionit në sektorët/institucionet e përzgjedhura dhe i drejtuan rekomandime të shënjestruara qeverisë shqiptare.

- **Programi i trainimit të trainuesve për agjencitë ligjzbatuese dhe gjyqësorin**



Nga marsi deri në maj PACA zhvilloi një program intensiv trainimi të trainuesve për hetimin e korrupsionit dhe të pastrimit të parave. Trainimi mbuloi të gjitha aspektet e hetimeve, duke përfshirë edhe përdorimin e teknikave hetimore speciale dhe mekanizmat e gjurmimit të pasurive. Dy trainimet e para të mbajtuara në maj dhe në prill kishin në qendër një rast të simuluar dhe synonin forcimin e aftësive të pjesëmarrësve për të planifikuar dhe kryer hetime mbi rastin si dhe parashtrimin e tij në gjykatë.

Më pas, nëntë trainues të përzgjedhur morën një instruktim tre ditor mbi teknikat profesionale të trainimit dhe kryen prezantime imituese para instruktorëve. PACA ka përfunduar gjithashtu Manualin e Instruktorit.

Ky dokument është bërë i mundur me mbështetjen financiare të Bashkimit Europian. Pikëpamjet e shprehura në të nuk mundën në asnjë mënyrë të konsiderohen se pasqyrojnë opinionin zyrtar të Bashkimit Europian apo të Këshillit të Europës

- **Përfshirja e shoqërisë civile**

Në qershor dhe korrik PACA organizoi / bashkëorganizoi katër forume të shoqërisë civile, duke përfshirë dy aktivitete kyçe. Një nga ato mbledhi rreth tryezës përfaqësues nga 12 OJQ, Departamenti i Kontrollit të Brendshëm Administrativ dhe Antikorrupsion (DEKOBAN), Delegacioni i BE-së, OSBE, USAID- Programi për Sundimin e Ligjit, dhe SNV, për të diskutuar rolin e OJQ-ve në lidhje me Plan Veprimin Antikorrupsion të qeverisë shqiptare. Në forumin e dytë të mbajtur mbi metodat e vlerësimit të riskut dhe vlerësimet e riskut të kryera nga PACA, morën pjesë përfaqësues nga shtatë OJQ dhe donatorë ndërkombëtarë/zbatues projektsh. Forumet u ofruan OJQ-ve instrumenta të rëndësishëm për monitorimin e zbatimit të politikave antikorrupsion së bashku me një udhërrëfyes për kryerjen e vlerësimeve të riskut si dhe i ofroi PACA-s mundësinë të paraqesë gjetjet e vlerësimeve të riskut të kryera dhe të dëgjojë reagimet dhe komentet nga përfituesit, veçanërisht ministrinë e Arsimit dhe të Shëndetësisë.

- **Deklarimet e pasurive dhe shkëmbimi i informacionit.**

Në maj PACA organizoi tre tryeza të rrumbullakëta të cilat mbledhën së bashku Inspektoratin e Lartë të Deklarimit dhe Kontrollit të Pasurive (ILDKP) me Drejtorinë e Përgjithshme të Transportit Rrugor, Agjencinë për Legalizimin, Urbanizimin dhe Integrimin e Zonave dhe Ndërtimeve Informale dhe Zyrën e Regjistrimit të Pasurive të Paluajtshme. Takimet u përqëndruan në mënyrat për të forcuar bashkëpunimin dhe shkëmbimin e informacionit mes agjencive, në mënyrë të veçantë në lidhje me pasuritë e zyrtarëve publikë të regjistruara në tre agjencitë e mësipërme. Ata ranë dakort të rishikojnë memorandumet e tyre të mirëkuptimit me ILDKP- në për të përmirësuar shkëmbimin e informacionit, dhe kjo u pasua me hartimin nga PACA të tre draft memorandumëve të reja për këtë qëllim.

Nga datat 28-30 mars zyrtarë të ILDKP-së, Njësisë së Inteligjencës Financiare, Bankës së Shqipërisë dhe dy bankave tregtare morën pjesë në një vizitë studimore në Londër, MB, me ftesë të Autoritetit Britanik të Shërbimeve Financiare (FSA). Vizita u përqëndrua në shkëmbimin e dijeve në lidhje me monitorimin e personave të ekspozuar politikisht (PEP) dhe i njohu pjesmarrësit nga Shqipëria me standartet më të përparuara mbi PEP.

- **Edukimi kundër korrupsionit**

Në prill-maj, PACA përfundoi një vlerësim rreth rrisë së riskut për korrupsion në sistemin arsimor shqiptar së bashku me një vlerësim mbi licensimin, rregullimin dhe inspektimin e institucioneve të arsimit privat. Këto dokumente të PACA-s i ofrojnë rekomandime kyçe Ministrisë së Arsimit dhe Shkencës se si të rrisë integritetin e sistemit arsimor. Në maj, PACA në bashkëpunim me Institutin e Zhvillimit Arsimor, përfundoi një draft manual kurrikule (Edukimi kundër korrupsionit) për t'u mundësuar mësuesve të shkollave nëntë-vjeçare dhe të mesme që të përfshijnë çështje të antikorrupsionit në orët e mësimi.

<b>Kontakt</b>	
<b>Strasbourg (France)</b>	<b>Tirana (Albania)</b>
<p>Njësia e Korrupsionit &amp; Pastrimit të Parave (CML)            Divizioni i Krimit Ekonomik (ECD)            Drejtoria e Bashkëpunimit – DGHL            Këshilli i Europës, F-67075 Strasbourg Cedex            FRANCE            Tel: +33 3 88 41 29 76; Fax: +33 3 90 21 5650            lado.lallic@coe.int            www.coe.int/economiccrime</p>	<p>Ekipi i Projektit PACA            Godina e Këshillit të Ministrave            Bulevardi “Dëshmoret e Kombit”            Nr. 1, 1000 Tirana, Albania            Tel: + 355 42 22 84 19            Fax: + 355 42 24 89 40            arben.lila@coe.int            www.coe.int/paca</p>

Ky dokument është bërë i mundur me mbështetjen financiare të Bashkimit Europian.  
 Pikëpamjet e shprehura në të nuk mundën në asnjë mënyrë të konsiderohen se pasqyrojnë opinionin zyrtar të Bashkimit Europian apo të Këshillit të Europës